

115 年全國語文競賽臺中市複賽臺灣原住民族語言朗讀文章 【霧臺魯凱語】 國小學生組 編號 4 號

Tacekecekelane nai

Ku tacekecekelane nai Ngudradrekai, ka suavedavedai, ku nagane ki danenai, la si tai Taugadhu, ku tacekecekelane nai maesaesaesai kainai matiakuru. yakai yana ku kaingu, ai wa pacainga ku umu, yakay ku ama si ina, yakay ku lakaka ku sauvalai si ababai, yakay ku agili ku ababai, la musakatulruaku sauvalathaku ka sia Kalrimadraw. lakaukaulu nai.

Ku amu, tarakauaungu nguadalrane luka kai yai yai ya, kathane luka niciubi yabalriu la mu kiukai kibilru, marakace turamuru ku ama kai kiadulrudulru turamuru, ka ina kai nguadalradalrane wademele ku dane nai lriapethele, wasinau, wasuape, waaga ku akneane nai, mialri kwalrialri tauramuru kadrura ku taisadrasadrane.

Kunai ka lamatakataka, mua gakugaku nai makanaelre, mua gakugaku ki kaucungu ku lakaka ku tadrusa, mua gakugakuaku ki kucungu, la ugakugau ki kusiaw ku agili ka ababai. kya samula nai makanaelre, lakathariri ku takibulrubulruane nai, makuru nai ki ama si ina, la kilalra nai patupapalra ku tabulruane ki laina, kainai pakiadulrudulru iniane, mathariri

kay tacekecekelane nai, madalame naiyane ku kaingu kialibak naiyane ku ama si ina, la musakene nai kialalranai liniane lubulru.

Kiasususu nai ki Twaumse, la mukiwkai nai luka niciubi makanaelre, ku kaingu, ara kai ku inulri, pasikai naiyane. ku sakacekele nai, ku pasiagiagisi nai, mialri ka tathaithariri turamuru, makialibalibake nai, mapalribulribulu nai makanaelre muaesai nai turamuru, la kathariri ku tacekecekelane lakasulivalivate ku aungane, maelanenga ki Twaumse la subulrubulru naiyane, la kasulivalivate ku tacekecekelane nai. madalamaku ki tacekecekelane nai, itara kisamulaku, pasikai ki tacekecekelane nai.

我們的家

我的家庭有祖母、爸爸媽媽、哥哥姐姐、妹妹，我是男生排行老三。父親從事農耕，只有星期日在家休息，為了家庭生活，他非常辛苦。媽媽是家庭主婦，每天要整理家務、洗衣服、掃地、煮飯，很少有空閒的時候。家中四個小孩都在讀書上學，哥哥和姐姐是高中生，妹妹小學，我是國中生。

我們家是虔誠的基督徒，每個禮拜天一定參加禮拜，我們的祖母，常常為我們禱告，祈求上帝保佑我們。在我們部落，我們和鄰居建立良好關係，都敦親睦鄰。